





福州等覺禪院住持傳法廣慧大師達杲收印

經板頭錢恭為  
今上皇帝祝延

聖壽闔郡官僚同資祿位彫造

廣燈

禪錄一部計三函  
時大觀三年正月日

謹題

天聖廣燈錄卷第二十三

吉州清源山行思禪師第九世

鼎列文殊山應真禪師法嗣見人

筠列洞山曉聰禪師

南嶽山南臺勤禪師法嗣見錄

汝州高陽山法廣禪師  
潭州石霜山節諫禪師



勸州五祖山師戒禪師法嗣六人見錄

勸州三角山懷澄禪師 筠州洞山自實禪師

勸州十王懷楚禪師 勸州義臺子祥禪師

舒州海會頭同禪師 廬江西禪文岫禪師

已上四人機緣語句不收

勸州廣教懷志禪師法嗣見錄

勸州興化友清禪師不語鈞

復州崇勝光祚禪師法嗣三人見錄

襄州延慶山子榮禪師

蘇州洞庭奉峰冲顯禪師

黃州護國崇壽禪師

不語句

峨嵋山黑水寺承璟禪師法嗣見錄

峨嵋山黑水寺義欽禪師

鼎州德山紹晏禪師法嗣見錄

鼎州德山志先禪師

筠州洞山曉聰禪師初開堂示眾云舉揚宗旨意密

難明心地法門豈從誣路我為眾生日用而不知背

覺合塵狂迷諸趣遂有諸佛出現於世轉大法輪隨

根引逗若也全提舉唱曹溪一路平沉更乃坐斷十

方北六者而地普天咸皆用措故經云若但讚佛乘



衆生沒在苦如今可謂不以而以有屈祖風曲爲初  
機開一線道上々高士久參先德相共證明中下之  
機久遊赤水夙在荆山有何異珍對衆剖露看時有  
僧出禮拜師云南海土番應不識碧眼波斯笑點頭  
問新院新年新出世今日當人事若何師云速禮三  
拜進云慈麼則大衆證明去也師云退後三步問大  
衆雲集師登寶座向上宗衆請師舉唱師云下坂不  
走快便難逢師又云問話且置問答也無了期古人  
云問在答處答在問處言多去道轉遠祇可以言語  
道斷心行變滅若也葛藤去舉足下足皆是道場動

靜去來無非佛事若於衲僧門下一言相契天地懸  
殊豈況物大轉無所益久立伏惟珍重僧問師唱誰  
家曲宗風嗣阿誰師云竹錫挑擎千界月鉢囊盛貯  
五天雲問欲求真先去塵々即不問如何是真師云  
去年共汝栽杉樹今歲宛尔種松根問古聖說不到  
處請師舉師云寒星明月夜寂々萬家門進云恁麼  
則親到洞山也師云汝爲藏主來多少時也師在衆  
時因僧在揚州來舉泗州大聖在彼出現便有僧問  
師既是泗州大聖爲什麼却在揚州出現師云君子  
愛財取之有道師上堂云聞鼓聲來到法堂上佛法



向什麼處去也還有人道得麼莫是去來又手當曾  
唱一聲喏東邊却過西邊是麼又云莫無言無說是  
麼良久云有人道得試出來對般道者若道不得晨  
朝有粥齋時有飯時有僧無根樹子向什麼處栽師  
云千年常住一朝僧問如何是離聲色句師云南瞻  
部洲北鬱單越進云怎麼則學人知恩不味也師云  
四大海深多少問古鏡未磨時如何師云此去漢陽  
不遠學云磨後如何師云黃鸝樓前鸚鵡洲問如何  
是佛師云理長即就師上堂云相見不揚眉君東我  
亦西紅霞穿碧海白日照須弥久立冬日師上堂有

僧問即心即佛埋沒宗風絕境沉機全乖道體去此  
二途請師別道師云正當一陽景瑞雪落零六進云  
怎麼則東西不辨南北不分也師云大國同忻慶共  
賀聖明君學云未審向上還更有事也無師云長因  
送人處憶得別家時師又云也好東問西問暖熱道  
場一言相契萬別千差久立師上堂云教山僧道什  
麼即得古即是今今即是古所以楞嚴經道松直棘  
曲鵠白鳥玄還知得麼雖然如此未必是松一向直  
棘一向曲鵠便白鳥便玄洞山道者裏也有曲底松  
也有直底棘也有玄底鵠也有白底鳥久立師上堂



僧問學人進又不得退又不得時如何師云抱頭哭  
蒼天學人無語師又云汝還知鉢盂鑊子落處麼汝  
若知得落處也從汝問三十年後驀然問著也不定  
久立即上堂云同生像季去聖遙遠佛法稀疎人心  
淡薄衲僧面前恁麼說話却成造次各人彼人氣宇  
如王且道師子尊者是茅幾祖久立師上堂舉寒山  
云井底生紅塵高峰起波浪石女生石兒龜毛寸六  
長若欲學菩提但看此勝槎良久云還知落處也無  
若也不知落處者大菩提入僧堂裏去也久立師上  
堂云春寒凝沍夜來好雪還見麼大地雪漫大春風

依舊寒說禪說道易成佛成祖難珍重師上堂有僧  
問如何是祖師西來意師云燈籠掛露柱問達磨未  
傳心地印釋迦未解髻中珠此時若問西來意還有  
西來意也無師云六月雨霖六寬其萬姓心進云忌  
麼則雲散家六月春來惠大花師云脚跟下到金剛  
水際身多少僧無語師云祖師西來特唱此事自是  
上座不薦所以從門入者不是家珍認影爲頭豈非  
大錯既是祖師西來特唱此事又何更對衆切人珍  
重師上堂舉佛與和尚上堂拈起拄杖云過去也恁  
麼未來也恁麼現在也恁麼歸宗誠禪師云過去也



不恁麼未來也不恁麼現在也不恁麼師云洞山道  
一任你兩箇老和尚七顛八倒久立珍重師上堂云  
晨雞報曉靈粥後便天明燈籠猶瞌睡露柱却惺  
又云惺大直言惺大歷大直言歷大明朝後日莫認  
奴作郎珍重僧問承古有言色心不二彼我無差如  
何是色心不二師云雨下大地濕天晴道路乾進云如  
何是彼我無差師云速礼三拜更莫切大知汝從湖  
南師又云汝每日上堂喫粥飯左手捧鉢盂右手把  
匙筋是彼我是無差阿那箇是色心不二試更道看  
若道不得各自歸堂久立珍重師上堂舉傳大士頌

因夜大抱佛眼

朝大還共起

起坐鎮相隨

如形影相似

欲識佛去處

祇者語聲是

玄沙道大小傳大士祇認得箇昭々靈々九峰禪師  
道大小傳大士於一法中而無異見九峰即不然夜  
人困即睡朝大覺即起洞山道九峰禪師是大人言  
不虛設語不浪施師云洞山道困來即便眠覺來即  
便起不可須待夜便眠早便起祇如你衲僧分上白  
日還睡麼雖然如此三十年後也莫和泥合水珍重  
夏日早參頌

晨參暮請無別事

古代相傳直至今



折旋俯仰全體是

莫累曹谿與少林

夏日三月嘗啼春樹老

九旬時雨日霖大

日黃滴不離毗盧界

海上番人咲深夜

關坐頌

太平時代不思議

佛法不悟亦無迷

困困來打睡飯來喫

學禪學道大愚癡

早參頌

曙色纔分便即參

九年面壁過多談

俱眠一指虛勞力

禪客豈待口喃喃

因事有頌

天晴蓋却屋

承乾刈却禾

早輸王稅了

鼓腹唱巴謠

四月八佛降生日

指天指地稱第一

九龍噴水沐金體

摩訶般若波羅蜜

頌秘魔巖和尚持杖

藜藿老懶眼跡麻

自救無療更持杖

嶺南獵獠當時見

一棒打殺者魔家

師一日不安上堂辭衆至七日早示寂至齋時却來

遂述法身頌示衆



參禪學道莫忙人

問透法身北斗藏

余今老倒疋羸甚

見人無力得商量

唯有鑿頭知我道

種松同步上金剛

師言訖跏趺而寂建塔于金剛嶺

汝州高陽山法廣禪師上堂有僧問三身中那箇身

為正師云鳥道幽玄無障礙石人眼裏不栽華進云

恁麼則觸處皆真迹通幽不繼塵也師云橫身三界

外徧處不曾藏問牛頭未見四祖時為什麼百鳥啼

花獻師云春煦發生應無滿豁滯雪源眾類欽進云

見後為甚不啣花獻師云人事祇因貪慮斷世情偏

向富門家問如何是佛師云騎牛不入章問如何是

祖師西來意師云九年面壁人難別一句澄流事莫

窺問大衆齊臨請師舉唱師云一音剖出河沙句廓

落靈源應萬機關如何是大悲千手眼師云墮坑落

漚問如何是和尚家風師云一句無私語祇待五湖

賓問如何是道師云此去襄州不遠進云如何是道

中人師云南來北往健問如何是道師云此去襄州不遠進云如何是道

潭州石霜山節誠禪師上堂有僧問承古有言滿眼

青山無寸樹極目渌水絕波瀾未審佛殿與僧堂又

如何師云風擊樹頭波浪起石人夜半掉般歸問佛

如何師云風擊樹頭波浪起石人夜半掉般歸問佛



未出世時如何師云逢人不見面進云出世後如何  
師云極目指青山問如何是石霜境師云四時花不  
秀進云如何是境中人師云老對白雲根問承古有  
言捲簾當白晝移榻對青山如何是捲簾當白晝師  
云過淨瓶來學云如何是移榻對青山師云却安舊  
處著問如何是祖師西來意師云青山無異色鳥道  
玄關師上堂示眾云心外無法外無心隨緣蕩火  
更莫沉吟你等諸人纔上階道便好廻去更待要二  
第杓惡水潑作什麼珍重人職一  
勤刈三角山懷澄禪師上堂僧問如何是佛師云文

不加點問如何是佛師云大意師云文殊自文殊解脫  
自解脫問如何是三角境師云長官姓張進云如何  
是境中人師云學廣語聲低問見者是色聞者是聲  
去此二途請師別道師云古寺新碑額問不與萬法  
為侶者時是什麼人師云觀世音菩薩師勘新到僧  
云近離什麼處僧云離勒水師云可照泥水僧云一  
切尋常師云恁麼則拖泥拽水也僧云恰是師一日見  
僧披衲被師云得恁麼好針線僧云祇要牢固師云  
打草地驚作什麼僧云客來須看師云祇有者个更  
別有僧云雲生嶺上師云未在更道僧云滴水巖間



筠州洞山自寶禪師上堂云諸人盡到者裏且教新  
豐道箇什麼即得不見道上頭是天下頭是地日月  
星辰森羅萬象總在者裏抬起拄杖云且道者箇是  
什麼劄利衲僧出來說者說得出有衲僧鼻孔說不  
出衲僧鼻孔在什麼處喝云八十猶是近十萬更愁  
人打禪牀便下座師上堂僧問如何是佛師云腰長  
肚短問聲聞悟道見色明心學人到者裏爲什麼不  
會師云是什麼閑家具僧拍手一下師喝云話頭也  
不識速道速道僧無語師便打

襄列延慶山子榮禪師初開堂日纔陞座宣疏了維

那白鶴師示衆云者箇古錘自靈山會上相承露布  
葛藤直至于今未曾間歇若論舉明宗乘千聖也須  
失利莫怪恁麼道不惜眉毛避之不及時有僧問龍  
居一曲師親唱鳳嶼嶼當筵事若何師云巖前露滴學  
云寒松有韻澗上清風也師云終朝弄影問萬法無  
言猶是說更待無言師說箇什麼師云放你三十棒  
學云今聲言古韻爲衆出罵塵師云自領問如何是  
隨色摩尼珠師云三箇童子弄花毬進云恁麼則終  
朝盡日也師云頭白齒落師上堂僧問靈光隱六月  
照寒窓善法堂前請師舉唱師云聽學云此猶是者



邊事那邊事作麼生師云脚下毛生問如何是延慶  
境師云陽廣洞居方丈北道安巖向食厨東進云如  
何是境中人師云鳳林關下往來者峴山亭上任者  
碑問須菩提巖間冥坐爲什麼天雨寶華師云好事  
不如無進云恁麼則今日却承方便也師云方便事  
又作麼生學人擬議師便打師夏滿日上堂僧問夏  
終今日畢竟如何師云天晴道路乾進云便恁麼去  
時如何師云直徹海涯邊問如何是佛師云橫身彰  
十號入榔示雙趺學云將何供養師云合掌當肩問  
如何是道師云山間唯淡薄進云如何是道中人師

云林下任漭涼問如何是祖師西來意師云穿耳胡  
僧不著鞋師上堂示教云延慶有一訣隨機便施設  
擬議進前來拄杖暴頭楔當下便成衲敢保猶未徹  
脫却貼體衫挑出眼中屑灑人箇衲僧孤疑永消滅  
直饒千聖現早箇勿交涉久立珍重

蘇州洞庭翠峰冲頭禪師初開堂云繞陞座宣疏了  
維那白槌云法筵龍象衆當觀第一義師云宗乘一  
唱三藏絕詮祖令當行十方坐斷其唯達士不避死  
生敷上眉毛出眾相見時有僧問天人普集岬聽雷  
音學人上來請師垂示師云十萬八千不是遠學云



大衆今日露恩去也師云後五日有問如何是諸佛  
本源師云千峰寒色進云未奉向上更有也無師云  
兩滴巖花問如何具和尚爲人一句師云量才補職  
進云恁麼則謝師方便師云自領去問像李檀那請  
人天大導師爲祝當今壽無俗說真如師云道泰不  
傳天子令無云恁麼則永揚西祖之風也師云教休  
不肯休問還丹一顆點鐵成金至理一言點凡成聖  
學人上來請師一點師云風清月白學云更有尖新  
也無師云僻地生雷問却唱誰家曲宗風嗣阿誰師  
云分明記取進云恁麼則昔日智明今朝和尚師云

有什麼交涉問如何是佛師云足躡千輪進云恁麼  
則今古應無墜也師云棒上不成龍問色心不二彼  
我無差學人纒下恁麼會乞師再垂方便師云放你  
三十棒進云恁麼則大上天下唯我獨尊師云拖出  
問朝蓋親臨於法會師將何物答君恩師云也須是  
汝證明學云君恩既如是祖道又如何師云知息事  
又作麼生學云懷抱自分明師云禮拜了退師又云  
一問一答總未了直饒乾坤大地樹木叢林盡爲  
衲僧異口同聲各致百千問難不消山僧彈指一下  
並乃高低普應前後無差曠祖佛之妙靈廓人天之



幽跡故乃高登象表復出寰中勝量由是香忘大用  
回茲灑落如是則何假覺城東除五衆咸居古佛廟  
前此時參畢不勞久立伏惟珍重  
峨嵋山黑水寺義欽禪師初開堂僧問昔日靈山會  
上一佛出世諸聖證明今日和尚出世什麼人證明  
師云謝上座證明進云怎麼則大衆蒙師恩去也師  
云速禮三拜退後退後問已知靈山親授記未審演  
法嗣何人師云畢鉢岩前曾待處今朝足下瑞雲生  
問昔日龍女獻珠身成正覺學人無珠可獻還得成  
佛否師云莫妄想問如何是和尚親切爲人一句師

云大衆總見開梨此一問進云莫便是和尚爲人  
也無師云且領前話問如何是不動尊師云足下三  
千里學人不會乞師再指師云十里較一程問如何  
是佛師云曾問幾人來學人未曉特伸請益師云莫  
妄想進云怎麼則依而行之師云你見箇什麼道理  
學人無語師云學語之流問如何是諸佛出身處師  
云崖嶮難駐足進云未審此意如何師云澗曲更無  
蹤跡如何是超佛越祖之談師云重言不當吃問牛  
頭未見四祖爲什麼百鳥啣花獻師云陽氣發來無  
硬地進云見後爲什麼百鳥不啣花獻師云春殘花



洛類無群師上堂便有僧出禮拜師云大地百雜碎  
便下座  
鼎州德山志先禪師上堂云諸禪德若論此事莫不  
入大具足物大皆齊並不欠少佛祖不剩一絲不欠  
一毫起即塌塞虚空坐即坐斷法界何處更有纖毫  
佛法教汝作解會豈不見臨濟入門便喝德山入門  
便棒到者裏合作麼生不見道向上一路千聖不傳  
學者勞形如猿提影有出格作家試對眾商量時有  
僧問如何是和尚家風師云十方無異路切忌却難  
尋進云忽遇客來如何抵待師云客來須看賊來須

打問如何是祖師西來意師云門外千竿竹佛前一  
炷香問如何是佛師云不具三十二那分百億身問  
如何是道師云蕩大無邊表縱橫任意看問如何是  
佛法大音師云密竹長松青山秀色學云如何領會  
師云龍吟霧起虎嘯風生問如何是一稱南無佛師  
云皆以成佛道問見色便見心時如何師云角弓彎  
似月寶釵利如霜學云如何領會師云金甲似魚鱗  
朱於如火炸問寸草不生時如何師云大地火起紅  
燄連天學云生後如何師云昨夜風霜甚今朝野火  
燒師上堂云諸禪德若論舉唱宗風即便坐斷凡聖



肅乾坤大地一時黯異正當恁麼時誰敢出頭來所以凡來也打聖來也打總恁麼來也打總不恁麼來也打諸禪德正當恁麼時合作麼生參時有僧問如何是真如體師云鎮地人不識進云如何是真如用師云大地山河無透路十方世界一時容問如何是清淨法身師云番人及袋底學云如何領會師云供養不堪論問如何是古人切急處師云布髮淹泥苦庭中淚下時進云時中如何保任師云保任即錯問根鏡同源時如何師云伐倒崖陰無影樹碧潭深惠不逢魚問如何是學人自己師云是汝自己學人便

喝師云乱喝作什麼學人禮拜師便打問遠大投師乞師一接師云不接學云恁麼則虛押一問師云少逢穿耳客多遇刻舟人問大通智勝佛十劫坐清場爲什麼不得成佛道師云貪觀天上月失却掌中珠問靈山置月意<sub>下</sub>持如何師云水底撈不得地下任埋藏問軍期急速時如何師云十字街頭滿面塵學云爲什麼如此師云知而故犯問古鏡未磨時如何師云照破天地進云磨後如何師云絲髮不存問如何是無爲之談師云石羊石虎啼大語學云是何言教師云長行書不盡短偈絕人聞問如何是大用一句



師云天地黯黑學云不用時如何師云法界洞明問  
寶釵未磨時如何師云光明衝北斗進云磨後時如  
何師云入水寂無聲問未明差別智如何得不疑師  
云自作風塵爲下客真金不識謾勞形問十二時中  
如何修進師云水裏休尋月一輪觸日光學人爭奈  
不見何師云衝破你觸體問文殊與維摩對談何事  
師云無甘霖雨夜石女夜挑燈問將心用心時如何  
師云北邙山幾回客南海船中不計年師上堂云諸  
禪德參學人須具衲僧眼始得若具衲僧眼不被佛  
障祖障菩提涅槃障便得隨處自在入水不溺入火

不燒履地如水履水如地良久云作麼牛是衲僧眼  
有者出來對衆看呈許汝參學事畢若無被佛祖菩  
提涅槃熱謾却師拍禪床一下大座僧問如何是臨  
機一句師云箭發離弦無覓處穿靴戴帽海中遊問  
如何是觸目菩提師云寒風吹面裂雪上更加霜問  
如何是不動尊師云明々人不識供養絕知音問萬  
法歸一歸何所師云五鳳樓前呈百戲千株松下  
鳥歌聲問供養百千諸佛不如供養一無心道人百  
千諸佛有何過無心道人有何德師云陽氣發時無  
硬地冰消雪盡一時休問句發明中現名言觸處通



時如何師云全身經不出入水寂無聲問一真含法  
界時如何師云一點子師云江日夜流問如何是道  
場中師子師云哮吼一聲天地合十方世界終知音  
問兩刃交鋒時如何師云夜半子時親下手學云天  
曉事又如何師云一任徐卜度問如何是文殊劍師  
云二尺雪光青霄外四郊塵影罷來戈問華藏海中  
獨游時如何師云海岸孤絕處堂堂人不知學云知  
後時如何師云方見本來身問王道與法道相去幾  
何師云雲行雨密水急波生學人不會未審如何師  
云水流歸海人卧千峰問如何是般若用師云天魔

瞻裂外道心摧問如何是學人立身處師云十字街  
頭人不顧千株松下任風吹問不與萬法爲侶復是  
何人師云我疑向汝道我恐人不信學人便請師便  
喝學人禮拜師便打問如何是密室中事師云分明  
記取舉似後人問如何是鑊錐師云七星光彩轉  
天河截斷毗盧海印波學云莫便是也無師云目瞽  
瞳人不可知學人禮拜師呼六問如何是截人之機  
師云十字路頭明顯示一心無異更無差學云莫  
便是也無師云切須子細不得錯會問直截一路請  
師速道師云擬心隔千里玄人任意看學云忌麼則



親切去也師云每年逢一度萬代盡傳名師纔見僧  
來堅起拂子僧便喝師云瞎僧又喝師便打師又見  
一僧堅起拂子僧不顧師便打師又云總似今日曹  
溪一路平沉便下座師上堂云本來無事不得生事  
行為道場立為佛事為禪定時有僧問如何是佛師  
便打又有僧問如何是佛法大意師亦打又有僧問  
如何是祖師西來意師亦打師又云大眾者箇僧有  
過無過若道有過人在什麼處若道無過為什麼打  
他且作麼生商量知有者出來對衆道看要知親切  
若道不得虛過平生良久打禪床一下便下座  
天聖廣燈錄卷第二十三

福州等覺禪院住持傳法廣慧大師達杲收印  
經板頭錢恭為  
今上皇帝祝延

聖壽闔郡官僚同資祿位彫造

廣燈

錄一部計三函 時大觀三年正月日 謹題

天聖廣燈錄卷第二十四

吉州清源山行思禪師第七世

洛京靈泉院歸仁禪師法嗣見錄

郢州大陽山堅禪師 襄州石門山遵禪師

行思禪師等八世

襄州廣德山第二世延禪師法嗣見錄



荆門軍上泉院吉禪師

鼎列梁山緣觀禪師法嗣見六人錄

鼎列梁山第一世嚴禪師 潭列雲巖山清眺禪師

澧州藥山利昱禪師 鼎列羅紋得珍山主

夾山大歌和尚 襄州石門山惠徹禪師

襄州石門山慧徹禪師法嗣見十二人錄

襄州廣德山智端禪師 潭列北禪寺顯禪師

磁列桃園山雲嶼禪師 潭列北禪寺懷感禪師

舒州四面山寶津禪師 襄州廣德山重智禪師

鳳翔府青峰山義誠禪師

永康軍景德院真禪師

興元府廣教院紹榮禪師

嘉州承天院義勳禪師

同列饒益寺法華禪師 襄州石門山訓筠首座

郢州大陽山堅禪師法嗣見一人錄

潭州北禪寺契念禪師

行思禪師第九世

鼎州梁山巖禪師法嗣見一人錄

鼎州梁山第三世善冀禪師

襄州谷隱山知儼禪師法嗣見五人錄



襄州谷隱山契崇禪師

襄州谷隱山法誨禪師

襄州開解山重懿禪師

襄州鷲嶺院懷堅禪師

蘄州懷令禪師

不詳

襄州谷隱山紹遠禪師

法嗣

鄧州廣濟院守方禪師

隨州護國院崇寶禪師

懷安軍雲頂鑒禪師

潭州道吾山契詮禪師

襄州廣德山慧遠禪師

澧州層山善來禪師

郢州大陽山堅禪師在靈泉入室靈泉問云你從什

麼處來師云僧堂裏來泉云你為什麼不築著露柱

師於言下省悟有僧問如何是玄旨師云壁上挂錢

財問如何是無相道場師云佛殿裏懸幡出不借時

機用如何話祖宗師云老鼠咬腰帶問如何是真中

真師云十字街頭泥佛子因僧請益法身師有頌

扶桑出日頭當正黃河輓底流詩曰六六三十六

陝府出鐵牛

詩曰普國無雙製問取何事六六

襄州石門山遵禪師上堂僧問古人道大悲院裏有

齋意旨如何師云石人滿面血山草運無根問如何

是石明境師云石朶山前無異路清淨河深徹底者

進云如何是境中人師云樂界鼓聲連夜響牧牛童

子唱巴謔問如何是佛師云王宮降誕人皆仰四八



端嚴為後時進云恁麼則靈山非的意雪嶺有知音  
 師云鳥道玄大無障礙一輪明月正當軒  
 荆門軍士泉院吉禪師因看華嚴經一日擲卷在地  
 云黃面老漢得恁麼多口從茲曉悟後參廣惠乃為  
 印可師開堂日有僧問云師唱誰家曲宗風嗣阿誰  
 師云萬同一點子普潤徧娑婆問如何是大道之源  
 師云簾內有君當正位殿前四相盡朝儀進云恁麼  
 即一滴不離毗盧界萬派朝宗不二門師云四塞罷  
 戈齊拱手十方共賀太平年問如何是祖師西來意  
 師云梁王殿上不來往魏國終歸隻履西

鼎列梁山嚴禪師上堂僧問師今出世有何祥瑞師  
 云家山無異草靈苗徧地生進云恁麼則法界蒙恩  
 人天有賴師云不干典非君子所談問如何是梁  
 山境師云雲峯千載秀華木四時春進云如何是境  
 中人師云岩前樵父頻招手大家齊和太平歌問如  
 何是佛師云巍大不顯三身相超然豈與見聞同問  
 如何是祖師西來意師云新羅附子蜀地當歸  
 潭列雲巖山清毗禪師上堂僧問四象齊臨於寶座  
 請師方便為提擲師云巴歌雖有韻祇恐和人稀進  
 云為什麼如此師云官商不入人異人耳從來妙旨少



知音問如何是和尚家風師云千年冰雪上靈枝萬  
古春進云未嘗客來將何祇待師云琉璃鉢盛無米  
飯雲堂大會不來人問如何是怎麼去底人師云登  
玄無異路終不暫迴頭進云如何是怎麼來底人師  
云金鳳銜華離玉洞木馬懷胎半夜歸進云如何是  
不來不去底人師云白雲橫谷口樵子夜忘家問  
澧州藥山第十二世利昱禪師開堂日拈香示衆云  
此一瓣香不從天得不從地來不從十方而至大衆  
且道從什麼處來三十年後不得錯舉便燒香墜座  
時有僧問師唱誰家曲宗風嗣阿誰師云學自不曾

足讚時人剛道見底沙進云怎麼上來乞脚端的師  
云靈光迥透青霄外人天徒自見分拏問外無所求  
內無所依時如何師云青天白日進云知者已知未  
知者如何領解師云三十年後問如何是祖師西來  
意師云何不問自己意學云如何是自己意師云剩  
著茶少著水師上堂云山河大地日月星辰與諸上  
座同生三世諸佛與諸上座同參三藏聖教與諸上  
座同時還信得及麼若也信得及陝府鐵牛吞却乾  
坤雖然如是被法身礙却轉身不得須知有出身之  
路作麼生是諸上座出身之路道々良久云若道不



得永沉苦海珍重僧問格外之談乞師垂示師云要  
道也不難學云忌麼則萬仞碧潭許垂一線也師云  
大眾笑你豐州牧於衙內白蓮亭上會諸尊宿折華  
供養講師說法時有俗官問如何是瀾浦境師云此  
是白蓮亭進云如何是境中人師云牧牛童子橫吹  
笛野老谿邊和不齊師乃云昔日須菩提巖中宴坐  
梵天雨華讚歎須菩提問空中讚歎梵云我見尊者善說般  
云我是梵天提云人何讚歎梵云我見尊者善說般  
若提云我於般若未曾說者一字梵云尊者無說我  
乃無聞無說無聞是真說般若師云梵天怎麼道還

稱得須菩提提意也無自然無言無說不涉視聽猶是  
涅槃高壑解脫深坑若是藥山又且不然文殊按劍  
石人膽戰木女心驚久滯諸官尊宿和尚伏惟珍重  
師上堂云古人道上來時薦取下去時薦取僧堂茶  
堂裏時薦取藥山即不然上來也不用薦下去也不  
用薦僧堂茶堂裏也不用薦為甚如此本自無瘡勿  
傷之也珍重師因僧入室請益南泉問僧從什麼處  
來云魯祖來泉云魯祖有何言句接人云纔見僧來  
便面壁泉云我尋常向僧道佛未出世時會取黑豆  
未生芽時會取尚自不得一入半人你怎麼驢年去



師乃與頌曰  
來云不因禪子跨戶  
南泉黑豆未生時  
休向未生全曉悟  
鼎列羅紋得珍山主師受梁山蜜旨梁山掌謂曰子  
今生緣薄不得出世師後遁跡常好坐禪四季剃頭  
一貪而已有僧問十二時中以何為坐師云你什麼  
處見他照梁山先師遷化往什麼處師云撲破鈍鷄  
子飛却鳳凰兒進云畢竟歸何處師云青山常為大

流水自茫大問親切處乞師指示師云老僧元是廣  
南人師一日乃述頌一首貼在法堂壁上  
老病龍鍾起坐難  
幾年空欲歸鄉去  
師至來春端然而化焉  
夾山大歌和尚師初參青林問從上諸聖學人還有  
分也無青林據坐即良久青林云會麼師云不會青  
林云無子用心處師於言下大悟上堂僧問如何是  
佛師云涼風颯人吹人冷水上淨漚能幾時問如何  
是道師云好大歌物外獨騎牛甲象萬年松下擊金



鍾問如何是夾山正主師云好大哥好手須還繫布  
作韓光虛望立功勳僧無語師云單雄信解弄棗子  
木梢尉遲公隨後唱番調如何是和尚家風師云  
好大哥騎駿馬驟高樓鐵鞭指盡胡人路馬大王從  
青林請師過夾山王出遠迎問如何是祖師西來意  
師云好大哥御駕六龍千古秀玉階排仗出金門問  
月生雲際時如何師云好大哥三箇童兒抱華鼓更  
莫礙我替門路問如何是祖師西來意師云好大哥  
玉印不離天子手金箱豈可庶人知師問僧頭上金  
光現脚下火雲生魏大<sub>人</sub>大丈夫復來有何事僧云特

來禮拜和尚師云射虎不逢人鈍置千鈞弩參堂云  
襄州石門山惠徹禪師初開堂日有僧問師唱誰家  
曲宗風嗣阿誰師云片雲生鳳嶺樵子處大明問如  
何是和尚家風師云解接無根樹能挑海底燈學云  
學人不會挑燈意請師方便接無根師云貴鳴筆頭  
挑古韻下手之時誰爲分問如何是石門境師云猿  
啼山谷韻木馬正堂軒問如何是境中人師云通身  
非影像常日鬧喧大問一毫未發時如何師云翠善  
不調弓箭透三江口問如何是佛法大意師云三門  
前松樹<sub>也</sub>生見長開正當恁麼時還有師也無師云



草青六時入洞華嚴六時迴車問祖師九年面壁意  
旨如何師云三山鎖夜月照破萬家門問從上諸聖  
待箇什麼便休歇去師云見諦無生路通身舉妙靈  
開至寶無形如何得用師云素手剔金燈類顯長天  
月問遠大投師請師得道師云猿啼山谷韻虎嘯野  
僧吟問如何是和尚深大惠師云龍巢生鳳卵端的  
勿人知進云如何是龍巢生鳳卵師云帝里穿靴異  
進云如何是端的勿人知師云子聖不能測問承教  
有言不在內不在外不在中間未審在什麼處師云  
三年一國九月重陽問和尚燒田還有過也無師云

龍吟霧起江河靜虎嘯風生萬里閑問路逢達人  
不將語默對將什麼對師云斫額不觀日沉吟理趣  
圓進云如何是沉吟理趣圓師云被閣梨致此一問直  
得羸霖汗流問多子塔前是有言說是有言說師云  
無言本自異滔々天下傳問如何是鳳凰山師云突  
吼侵天際龍盤鳳舞城學云如何是山中人師云朝  
看雲霧起暮聽子規問如何是有語中無語師云滿  
口道不著學云如何是無語中有語師云寂然機不  
停問不起思念如何請益師云木人登機織石女夜  
拋梭問如何是三乘教外別傳一句師云東村王老



夜燒錢問如何是禪非意想師云要道便道問如何是道絕功勳師云浩然不隱的橫身物外問學人貪虛請師濟瞻師云開門無一物到者不空迴問如何是無上性海師云竟日雨霏大江河流不盡問的太玄微如何得用師云激水浪頭金澄潭波裏月問如何是無縫塔師云龍渡碧潭含朗月今來一句對機公又云龍樓無宿客御輦百華新問如何是學人本分事師云戴持下學重舉步鎮相隨問如何是和尙一通之啓師云素幡非文喃大異說問如何是最初一步師云反擊勿底鞋善行雲水路識者善知時不

識地獄祖問不求佛祖底人來時向他道什麼師云不求佛祖底人不求問石門學云與麼即求佛祖也師云誰是求佛祖者學云某甲更致一問師云寶座方高四尺八問如何是三世諸佛出身處師云石火夜流光樵人首戴雪師示衆云道不自名假名唱道有僧問盧行者爲什麼會得師云會處不是盧家境學云如何是盧家境師云明星背後倒騎牛師示衆云臨濟入門便喝德山入門便棒僧問一棒一喝是古人作用如何是和尙作用師便打學云謝師方便師云知恩者少負恩者多問文殊仗劍欲殺何人師



云失念者學云如何下手師云全用不傷罪當即今  
問如何是道師云目前者是學云目前何者是師云  
行者是問肅大地是一箇死屍向什麼處理師云眼  
耳鼻舌身聞三身共一體那箇爲正師云報化路前  
橫身道石下眼裏不栽華問徧地荆榛如何辨主師  
云滴水巖在按山前問實際理地如何運步師云幽  
谷白雲藏白雀擬心棲處隔山迷問白雲巖畔無人  
到幽谷深關事若何師云兔走飛鳥急龍銜海日圓  
問如何是祖師西來意師云少林澄九鼎動浪百華  
新問大眾雲臻請師舉唱師云一句無私語常待五

胡曾問萬法歸宗云歸何處師云日裏挑金線全身  
轉處空問妙用機關如何通信師云木馬頻令叫報  
道國人安問截鐵之言請師便道師云日出東方光  
臨北戶問古今並是文言秀句如何是和尙奇特一  
句師云無鬚鎖子晝夜聞學云如何是和尙之用師  
云自來提綱罕遇知音問如何是佛師云樵子度荒  
郊騎牛草下露問如何是有力底人師云瞥太流光  
異山嶽豈能遮問大悲千手眼如何是正眼師云龍  
銜海底月白雲綻處有問以八不成是何章句師云  
格木殘枝山河大地問學人久迷真性大奇一句請



師道師云龍藏函中光彩異九天女範掌中持問如  
何是應機不失底事師云三門對佛殿學人不會請  
師指示師云開生天柱連朱雀閣碧蘿影裏無人到  
石室門前事若何師云龍泉不隱舊時光廓落無涯  
非定止問夾嶺峰前句請師爲舉揚師云玄言一句  
異萬象不能齊問千差萬別如何曉得師云應善無  
差逕問岸闊水深請師舉掉師云手把過頭杖逢春  
點異華學去異華還受點也無師云君問我答有辱  
先宗問寂々無依時如何師云寂々異人機通身誰  
覺了問達磨未來時如何師云大地如膠漆進云來

後如何師云杲日正當軒問如何是劍利底物師云  
古莫毒虵頭戴角問如何是佛師云素彩不裝金天  
人膽無盡問如何是學人用心處師云晝夜常然無  
盡燈問如何是具足一句師云該天括地赴群機信  
手拈來不暫離君今會得非非法大地揚眉首不窺  
問本無一物起自何來師云拈金不展手滔々海藏  
通問鳳子歸巢時如何師云纖毫不隔學云盤旋不  
在時如何師云汝即今在什麼處學云和尚即知師  
云汝親問石門問如何是佛師云麗水一星金流沙  
渾不雜問如何是知法底人師云三百六十州陝府



出鐵牛問求法不可見見法又無形時如何師云淮南船子者月宮學云請師指示師云通身不滯物理妙阿誰當問正當恁麼時如何師云金華含寸玉石女盡蠟眉出如何是佛法大意師云敲空不作響父子却知音問觸目是滯如何得不滯去師云雲深不覆頂華開宇宙新聞如何是樵子度荒郊師云遮掩不得問如何是正道行底人師云無雲天地暗漚大理通玄問如何是玄妙之境師云登林猿叫異青山不昧知問如何是和尚說法口師云陸修靜禮佛朝下誦道經問聞師妙按康耆指還許學人和也無師

云鳳凰山下不滯來音無影樹前任君舉唱進云恁麼則妙透三關知音小和師云俊馬未逢千里像隔海颺先道路難師打堰了歸來上堂僧問知師解打截河堰大海波濤堰得無師云星流度盡閻浮寶無限森羅到此休問絕水停輪當何所食師云朝餐無木飯暮啜百靈藤問和尚未見先師時如何師云石上東流水進云見後如何師云無雲雨露施開威音土佛已前和尚在什麼處師云虛空無障跡常日面前輝學云如何領會師云退身三步即見宗親進云使恁麼領會時如何師云是箇什麼問月暗星昏時



如何師云山深雲霧靄屏戴雪霜眉問如何是玄中  
玄妙中妙師云搔首捫虛空無絲牽大象問如何是  
無言之說師云萬里無雲雨青天海晏雷問如何是  
般若師云瑞草透山秀言中歷々明問如何是山中  
寶師云空萃從地發蓋國買無門問如何是佛法至  
理師云旨妙塵機異通身覺路玄問學人欲求一物  
時如何師云汝擬求箇什麼學云和尚還容許也無  
師云廓落長安道不障往來人學云請師指示師云  
展手不開拳分明善者取問寶物不現時如何師云  
夜月透紗窓身前不現影問東方纔動猶未曉三更

已前事若何師云絲芒不隔萬端畢滿目崢嶸下擊  
塵問一無所有如何進步師云無油不點燭明耀阿  
誰當問如何是石門境師云碧羅常鬱翠不礙一輪  
輝問如何是和尚接人一句師云挑燈不隔手明々  
曾也無問如何是沙門行履處師云三更下點燭午  
後不然燈問一燈然百十燈如何是一燈師云威音  
室裏元無燭三更下借夜明簾問如何是一句下事  
師云靈源一浪異流注百川中間如何是透法身一  
句師云海底浮漚發須弥頂上搭問便恁麼時此何  
師云連步人先覺迴來絕點痕問此箇門中還有知



音也無師云有也何是知音者師云堅冰消散後游  
魚處今通問知師巧妙能釘線石人衣破怎生縫師  
云穿山有路下句當機進云恁麼則師好手也師云  
汝得箇什麼氣力問如何是庵中主師云鶴息瑞雲  
飛巢中無破卵問雲光作牛意旨如何師云陋巷不  
騎金色馬迴來却著破爛衫問亡僧遷化向什麼處  
去也師云露柱掛燈籠問如何是沙門上上不及處  
師云孤月海底圓不見浮漚過問如何得便休歇去  
師云截斷萬重關井底然燈坐問師子未出窟時如  
何師云金毛不覆爪進云出後如何師云振地勿遮

欄問如何是究竟身師云通身非影像常日在人前  
問如何是福慧雙修師云穿靴當執簡擊磬韻金鐘  
問十二分教即不問如何是真經師云諦聽諦聽問  
祇如龍岩士問馬大師意旨如何師云待虚空撲落  
地即向汝道問三際不生是何境界師云三公九卿  
排班位真珠簾下鼻撐天問舍胎久矣啐咏同時如  
何師云大洋海底搯燈坐併頭第二鬢毛班問文不  
加點時如何師云正當恁麼時學云正當恁麼時如  
何師云琉璃殿上尾吐沙明佛究竟如何師云乘船  
頻舉掉萬里蓬船行進云便恁麼去時如何師云誰



是掉船人問如何是一色師云金湯鍍瓦礫進云一  
色後如何師云燈背夜明簾不照齊身草間響板未  
鳴時如何師云汝猶不覺在進云鳴後如何師云聲  
在什麼處問如何是無相道場師云日照水澄女青  
山無異路進云如何是道場中人師云我今向汝說  
汝還會也度問如何是和尚活計師云拈空拄空間  
如何是學人著力處師云暗室夜明燈晝夜無停止  
問不落諸緣請師道師云無因不出戶進云恁麼則  
虎不呈威龍吟在寢師云嶽聳路崔嵬大地平如掌  
問燈未點時明在什麼處師云祇如闍梨未問時問

在什麼處問如何是山中人師云遙望江山萬里青  
學云此猶未是山中人師云今日遇著明眼人問一  
物不將來時如何師云放下著學云一物不將來放  
下箇什麼師云猶自擔板在問金鳳透白雲時如何  
師云海州圓月現赫赤滿天涯問進前無路退後無  
門時如何師云兩脚牀子真偏坐問頓脫囂塵時如  
何師云十八擔子一人擎問如何是般若師云開合  
演若多未輝圓妙的問枯木倚寒巖時如何師云莫  
作者活計學云作什麼活計即得師云活計家山寶  
縱橫處大通問如何是真色師云龍非海客嶽對千



山間如何是塵中主師云銅鈿羅裏滿盛油學云不  
會師云獼猴入道場問如何是轉身前師云不與白  
雲連進云如何是轉身後師云不入威音會學云如  
何是正轉身師云朗月玄天不墜的問一拳打不過  
意旨如何師云徧地啼噪我者漢問如何是和尙  
家風師云龍樓金鳳子根卧不裁衣問遠人投師請  
師便接師云濕冰河邊待渡人漁翁岸上頻招手問  
國土晏清誰人為主師云擺手乾坤動學云王道又  
如何師云嘉禾合穗野老謳謔學云向上還更有明  
會處也無師云有進云如何是向上事師云堯舜不

持林下詔洗耳江邊飲牧牛問片月落空山隻履何  
方去師云西山雲霧露東嶺月明時進云學人恁麼  
舉手來時如何師云徧地一輪孤萬象齊來看  
襄州廣德山智端禪師上堂僧問從上諸聖往什麼  
處去也師云御輦不遊金色界手攜筭笠問田翁問  
牛頭未見四祖時如何師云著衣喫飯進云見後如  
何師云著衣喫飯問如何是廣德山師云當陽華易  
發背陰雪難消進云如何是山中人師云朝霞不出  
門暮霞行千里  
潭州北禪寺顯禪師有僧問師見石門得箇什麼師



云金華含玉蕊芳郊帶雪開問如何是真如佛性師  
云隨流無罣礙當用處大真進云蕩子歸家更無異  
號師云頭下展手物大謾劣工問如何是和尚家  
風師云一輪當宇宙處大總光輝進云忽遇客來如  
何祇待師云物大總非努力頭下不用牧童機  
磁列桃園山雲嶼禪師隨堂陞座云西來妙旨覲面  
難當電發千機無勞而思有何作者便請相是時有  
僧出禮拜師云足下過也僧禮拜起擬問師云駟馬  
難追問鳳凰一曲師親唱願把玄微示一音師云洪  
音不韻人間調直出青霄和得麼進云恁麼則知音

不和師云滿口冰霜冷徹骨巖下石人笑點頭問如  
何是佛法大意師云水流澗下雲吐峯頭  
潭洲北禪寺懷感禪師有僧問如何是諸聖爲人底  
句師云紅輪當萬戶光燭下無私進云如何是和尚  
爲人底句師云金鈎混玉浪游魚焉敢吞進云恁麼  
則空手歸家師云怨他誰問如何是佛師云尺短寸  
長  
舒州四面山寶津禪師有僧問如何是祖師西來意  
師云山寒冰冷師問修造僧本自圓成何得開山造  
寺造云檐枷過狀師云未有更造云兩重公按師







祥光聚鳳凰翥翼野雲飛問如何是道師云千差雖  
有異一月照無偏進云如何是道中人師云行玄不  
舉步鳥道任來過問如何是諸佛前師云片雪鎖寒  
巖進云如何是諸佛後師云滴瀝無相似  
興元府廣教院紹榮禪師有僧問如何是佛法大意  
師云牙山粳米讓水壘子問如何是從上來相傳底  
事師云庄月流暉光含萬象進云即今事又作麼生  
師云擊動乾坤鼓夢魂人未驚清小主其同與界  
嘉州承天院義懃禪師有僧問如何是和尚家風師  
云不自半分錢進云忽遇客來將何祇待師有扇盤

釘不出到者善知時問如何是諦實之言師云措大

巾子黑

同列饒益寺法華禪師行脚至襄州石門徹禪師會

下六日早晨上問訊徹云數日天陰日往什麼處去

也師良久云某甲道不得徹云你問我與汝道師便

問數日天陰日往什麼處去也徹云厨下極大聲師

云會也徹云你見箇甚麼道理師云厨下極大聲師

因茲省悟迴本寺雖不出世雲堂法侶常盈百數師

又誓不出寺常誦蓮經因僧辭往石門師寄一問其

僧到石門乃問金鳳透白雲時如何徹云海州圓月



現赫奔滿天涯徹云且住此問是自置人教你若是  
 自置你須說來若說不得喫棒出院僧云是同列饒  
 益寺法華教某甲問徹云情知不是你問後徹禪師  
 累發人取令住石門師堅辭之乃寄月頌一首  
 開牘却輾長天去竹山河景色鮮云風千家令瑞彩  
 出萬里六輪懸甲軍有照森羅影出群無私徧大千  
 大虛留不住問師豈受白雲漫劍日掛竹葉去  
 徹上堂云滅胡種滅胡種師至襄州石門齋師會  
 襄州石門山筠首座師受業於太原金藏院自入此  
 山二十餘載每中食說訖荷鋤披棒手植梨栗徧于山

是會眾仍露餘利綽有懿行叢林慕焉緇白凡三請  
 出世不諾一日因僧請喫茶次僧問如何是首座一  
 著子師云適來猶記得僧云即今又如何師云如坐  
 點茶來師因擔鋤入園次僧問三身中那一身去作  
 務師柱鋤而立僧云莫便當也無師擔鋤便去  
 潭州北禪寺契念禪師有僧問如何入道之源師云  
 眾流混不得進云獨脫事如何師云穿雲透石問如  
 何是不墜古今底句師云十五十六日月相逐  
 鼎州梁山第三世善冀禪師上堂云月令槌鐘擊鼓  
 本自不迷何須求悟諸上座未到梁山橋亭早有三







便是和尚為人更也無師云何必  
 襄州開解山重懿禪師有僧問承教有言不可以智  
 知不可以識人此意如何師云龜毛拂子隨時用鬼  
 角分明應萬機進云學人未曉乞師方便師云石人  
 解唱長生曲王女能分八字眉問如何是學人自己  
 師云到處問人進云乞師方便師云爭柰何  
 襄州鷲嶺院懷堅禪師有僧問最峻過劔及鋒如  
 何是劔及鋒師云非君境界進云誰即是退即是師  
 云俱錯進云不進不退時如何師喝夏滿日僧問西  
 天以瓊人為驗未審此土以何為驗師云賊人膽底

虛進云恁麼則今日十六來日十七師云放公二十  
 棒問鼓聲纔罷大眾雲臻學人上來師來意如何師云  
 喫棒進云教學人如何措足師云罪不重科  
 鄧州廣濟院守方禪師先住潭州延壽寺闍堂日僧  
 問和尚得箇什麼便休去師云自從咬破鐵餒餒直  
 至如今五味全問如何是延壽境師云舒湖清似鏡  
 照破萬人心進云如何是境中人師云守方今年四  
 十九問牛頭未見四祖時如何師云失曉烏雞頭帶  
 雪進云見後如何師云雪散雞飛影不存問古鏡未  
 磨時如何師云光明炷禡進云磨後如何師云黑似



漆  
隨列護國院崇寶禪師有僧問師唱誰家曲宗風嗣  
阿誰師云打動猶松鼓鳴起鳳凰歌問天人群生類  
皆承此恩力如何是恩力師云風高月冷  
懷安軍雲頂鑒禪師有僧問師唱誰家曲宗風嗣阿  
誰師云石鼓擊時天地動木人橫笛火中吹問如何  
是雲頂境師云十年枯木華重秀萬劫盤陀鎮古峰  
進云如何是境中人師竖起拂子云見麼學云見師  
云見即不到焦廢田地也  
潭州道吾山契詮禪師有僧問師唱誰家曲宗風嗣

阿誰師云鳳嶺無私曲如今天下傳問如何是道吾  
境師云雞華含玉露庭果落金臺進云如何是境中  
人師云擁爐披古衲曝日林山根問牛頭未見四祖  
時如何師云玉上青蠅進云見後如何師云紅爐焰  
裡冰  
襄州廣德山慧遠禪師有僧問如何是祖師西來意  
師云一枝瑞草流東土六葉芬芳亘古今問如何是  
古佛心師云石人擊缶木人聽問如何是禪師云久  
旱蘆華雪滿天進云莫秣者箇便是也無師云見即  
應大奇



澧州層山善來禪師有僧問如何是道師云此去石  
門縣三里進云如何是道中人師云張三李四問布  
袋裡盛烏龜意旨如何師云千聖名不出通身豈滯  
機

天聖廣燈錄卷第二十四

福州等覺禪院住持傳法廣慧大師達杲收印  
經板頭錢恭為 今上皇帝祝延

聖壽闔郡官僚同資祿位彫造

廣燈

錄一部計三函 時大觀三年正月日

謹題

天聖廣燈錄卷第二十五

吉州清源山行思禪師第九世

郢州大陽山警延明安禪師法嗣九人見錄

勤州四祖山惠海禪師

郢州興陽山清部禪師

復列乾明禪院機聰禪師

襄列台馬山歸喜禪師

衡列崇勝院智聰禪師

南嶽福嚴院審承禪師



南嶽方廣院隆禪師  
廣州羅浮山顯如禪師

勸列靈泉院處仁禪師

清源山行思禪師第十世

南康軍歸宗詮禪師法嗣見一錄

古相州天平山第四代契愚禪師

南嶽山懷讓禪師第七世

郢州芭蕉山慧清禪師法嗣見錄

郢州芭蕉山遇禪師  
郢州芭蕉山圓禪師

郢州興陽山法深禪師  
郢州子陵行齊禪師

彭州承天院辭確禪師  
桂州壽寧院善義禪師

郢州林谿山徹禪師  
興元府牛頭山精禪師

益州覺城院信禪師  
郢州芭蕉山閑禪師

郢州芭蕉山廻遵禪師  
郢州子陵山超禪師語句不收

勸州四祖山惠每禪師上堂云要急相應唯言不二

作麼生說箇不二底道理然即人人盡知有要且不

相續作麼生得相續去良久云但自心藏異跡語去

浮雲珍重僧問如何是古佛家風師云密展靈關異

千機類不齊元正日僧問時遷景運人皆委不落四

時事若何師云歷却下迷今日事一輪輾破四時機

學云今日事又如何師云烟嵐霧氣凝蕭索賞賚無



私又一年

鄧州興陽山清部禪師開堂日升座云西來大道理  
絕百非句內投機全乖妙旨不已而有屈祖宗豈  
況切六有何相益然雖如是事無一向且於唱道門  
中通人一線大家近前商量時有僧問達磨未傳心  
下印釋迦未解髻中珠此時若問西來意還有西來  
意也無師云異草三冬秀不待五天雷學云若不上  
來伸此問焉能辨得法王機師云塞北高飛鴈隨翼  
喪身軀問知師妙得空王旨今日當筵事若何師云  
浩然非所得廓落迥天涯進云妙用事又如何師云

帝網重々無間斷交光旋布目前機問娑伽出海乾  
坤振翹而相呈事若何師云妙翅展時當宇宙箇中  
誰是出頭人進云忽遇出頭時又如何師云似鴈提  
鳩猶未覺御樓前面始知真進云恁麼即退身三步  
也師云須弥座下烏龜足豈待重遭點額痕  
復州乾明院機聰禪師上堂云太陽溢目洞鑿無虧  
因計察却有迷悟祇爲情生皆隔想變體殊一念起  
越下途路絕且道恁麼才來還隔不隔喫茶去問如  
何是佛法大意師云此問不虛學云如何領會師云  
言前不蕉句後難明問舉手滴金誰是得者師云真



金不混水展手即迷源進云恁麼則不從人得師云  
從來無異色爭肯受提擲不與學云叵何會云  
襄列白馬山歸春禪師上堂僧問師唱誰家曲宗風  
嗣阿誰師云無私一曲誰人和今日分明舉似君進  
云大麼即梁嶠親孫大陽嫡子也師云敲空不作響  
平地有雷生問如何是白馬境師云滿目青山秀不  
逐四時凋進云如何是境中人師云衲擁雪眉長問  
如何是白馬山師云鳳林關外虎漢前問如龜藏六  
時如何師云布袋裡弓箭問不著佛求不著法求當  
於何夜求師云村人跪拜石師子進云意旨如何師云

杜樹下設齋上堂云急走即蹉過慢行越不上沒量  
大納僧云計奈何有多口饒舌底出來時有僧問一  
句即不問如何是半句師云投身擲下進云有箇是  
一句也師云半句也撞不著問如何是問寂之門師  
云莫開莫開

衡州崇勝院智聰禪師有僧問師唱誰家曲宗風嗣  
阿誰師云不肖登古殿剛道獻花來問如何是和尚  
為人底句師云無弦琴有韻今古和難齊進云忽遇  
知音時如何師云知音不歷耳達者豈從聞問如何  
是祖師西來意師云瑞草連山秀霜華煇裏開



潭州南嶽山福嚴院寄承禪師有僧問大陽一曲師  
親唱擲鉢峯前事如何師云猿啼山谷韻王女和聲  
齊進云法慶良一句迥超千里外當陽驛今又如何  
師云三年一閨人皆委九月重陽豈異同問如何是  
祖師西來意師云一條湘水浸衡陽問如何是衣中  
寶師問云<sub>下上</sub>奉無一物應用會不虧

潭州南嶽山<sub>上</sub>廣寺禪師有僧問如何是妙玄無  
私句師云萬仞峯前標不出深大海底豈能藏進云  
恁麼則知音不師云荆玉本無瑕三獻方爲寶問如  
何是方廣境師云山寒無異草嶺峻不披雲進云如

何是境中人師云林下石人歌一曲谿邊木女盡知音  
廣列羅浮山頭如禪師行脚時大陽上堂師問如何  
是無縫塔大陽良久師便禮拜大陽云見什麼道理  
師云不辭祇對和尚恐上紙墨大陽云官不容針問  
如何是大徹底人師云不行十聖路廻光燭萬機學  
云即今事如何師云紅輪當宇宙剛有不明人  
勸列靈泉山處仁禪師有僧問如何是靈泉一滴水  
師云靈源滴無瀝普潤徧乾坤問如何是清淨法身  
師云隨流常出沒不滯往來蹤進云應底事又作麼  
生師云千差無異轍萬像目前分



相州天平山第四代契愚禪師天平山受業後遊九峰  
 詮禪師移錫歸宗囑師居九峰開堂後住天平矣  
 僧問師唱誰家曲宗風嗣阿誰師云杖鼓兩頭打問  
 如何是祖師西來意師云鎮州蘿蔔石含茶居士問  
 法無動搖時如何師云你從潞府來居云一步也不  
 曾驚師云因什麼得到者稟居士云和尚睡語作什  
 麼師云放你二十棒有俗官問無隣可隔為什麼不  
 相見師云怨他誰師問二人座主先問第一人講什  
 麼經論主云百法論師云百法從幾法生主云百法  
 從一法生師云一法從何而生主無對師問第二人

講什麼經論主云唯識論師云作麼生是二界唯心  
 萬法唯識主無對師一時喝師廊下行次見僧以柱  
 杖示之僧便近前接師便打師云師問師云  
 郢州芭蕉山第二代遇禪師上堂云法入圓明物及  
 成現更不用拽長就短瘦短從長知有者實謂省要  
 不知有者從自疲勞珍重僧問如何是祖師西來意  
 師云是星皆拱北河水不卸東進云爭奈學人未會  
 何師云逢人但忘麼舉問如何是芭蕉境師云山松  
 鬱六澗水潺湲進云如何是境中人師云此者鎮縣  
 不遙關製莫造次問如何是道師云風鳴兩思進云



便應麼去時如何師云更須子細云  
鄧州芭蕉山第三代圓禪師上堂云三千大千世界  
夜來被老僧都合成一塊轉向須弥頂上帝釋大怒  
拈得撲取粉碎諸上座還覺頭痛也無良久云莫不  
識痛痒好珍重明如何是和尚接人一句師云要  
頭截取去進云和尚豈無方便師云心不負人面無  
慙色問如何是芭蕉境師云石人峰在主山前進云  
如何是境中人師云了髻山童火禮儀問省要處乞  
師一言師云好進云請師道師云千里萬里  
鄧州興陽山法深禪師上堂云道無方所非言語之

所論法非名相豈意識之度量本自圓成何勞名貌  
蓋是今時學者自昧心源不能洞達一向巡他門戶  
逐境求真背覺合塵塵省已識如今勸你一時放却  
但於十二時中不起一念不昧一塵隨處在處頭火  
物火一時成見更不著馳求緣諸外境一念相應毀  
善自然成辨且汝等還肯承當得也無若肯承當得  
者試對衆道看與汝證據良久云若無人道得却成  
相鈍豈久立环重僧問十二時中以何爲的師云戒  
有明文進云學人未會乞師端的師云信受奉行問  
諸法實相如何言論師云云更不秉燭進云學人如



何得受用師云晝日看星光問法大道同時如何師云雲騰不致雨進云久々又如何師云山色有何枯問一切諸佛及諸佛阿耨多羅三藐三菩提法皆從此經出未審此經從何而出師云春風常引雲鳥飛學人未曉乞師再指師云春水長流無盡時問如何是大道之源師云十八里頭看埃子進云未委此理又如何師云千萬人者不知休一彭州承天院辭確禪師開堂日示衆云正令提綱猶是捏窠造偽佛法祇對持地謾幕上流問著即參差答著即差互大衆擬向什麼處下口然即如是事無

一向權柄在手縱奪臨時有疑請問時有僧問如何是第一義師云群山穿海去滴水下巖來問師唱誰家曲宗風嗣阿誰師云道頭須會尾舉目便知心問今日一會何異靈山師云大海藏霞影高峰積翠微問如何是禪師云親切不離家寂寞却歸戶進云如何是道師云拍人是令學云禪道相去多少師云天上人間海中井底問法王未登寶座時如何師云煬帝隋隄柳四季色長青進云登寶座後如何師云高山不高南岳不廣問佛法付與王臣郡牧在此請師付法師云雲澹秋空裡雪散野田中間無縫塔即不



問如何是玲瓏塔師云荆棘林中梅檀樹麋鹿群裡  
麝香兒問非取非離即不問須弥大海光明普照時  
如何師云仙樂聲嘹唳凡耳盡得聞進云莫便是即  
今事也無師云甄子何厚瓦子何薄問大段祇看宗  
師眼未審宗師眼若何師云日華鋪地面雲影落山  
頭進云莫便是和尚照底事也無師云天王甲金剛  
掌開貪子衣中寶輪王頂上珠如何是輪王頂上珠  
師云羅紉不是貴布素却為珍進云如何是貪子衣  
中寶師云祇看脚前脚後問久扣靈龜為什麼不知  
音信師云峻疾三峽水高低五面山問也知一塵含

法界大地微塵事若何師云迺六三經路落六九疑  
山問承教中云聲聞人孰三昧酒涅槃何處不通津  
如何是涅槃師云隔壁不聽聲出門不見道問地  
藏豎兩指意旨如何師云拍手出門日洗脚上船時  
問建八諦之醫王受掌中之妙藥如何是受掌中之  
妙藥師云西瞿耶尼擊法鼓東弗于逮坐道場問本  
來無一物將何示於人師云將軍不解戰祇看箭  
端進云怎麼即有物與人也師云短劍在前長鎗在  
後問真金未出鑛時如何師云騎牛載席帽進云出  
鑛後如何師云闌市不出頭問心若無事萬法不生



時如何師云兩滴苔紋班點大風吹松檜葉零々進  
云恁麼即有事去也師云風不來樹不動恰是好休  
時問如何是普眼師云寂々更夜長颯々涼風起問  
十二分教即不問如何是納僧分上事師云牧人愛  
山水釣客戀漁舟問有問在心出口不得時如何師  
云塞外將軍劔筵中錄事籌問寒窓永罷頻繁語持  
地尋師願指南師云海上遊三嶋天邊看七星問龍  
女獻珠後爲什麼不見龍女去師云帝王垂拱日宰  
相罷筆時問代々相傳諸祖却未審師還許也無師  
云一片落長空鳳栖不擇樹問是法平等爲什麼有達

不達師云穿靴登峻嶺騎牛入佛堂問一切有爲法  
如夢幻泡影如露亦如電學人總不俱時如何師云  
亂雲生水上片月落池中問不在內不在外不在中  
問未審在什麼處師云十字路間人過少三家村僻  
虎行多問學人有一隻箭射即是不射即是師云作  
麼生是闍梨箭學人下喝師云者箇是草箭子進云  
如何是和尚箭師云禁忌須屈指禱祈便扣牙問心  
隨萬境轉阿那箇是轉萬境恁心師云嘉列大佛古  
人鑄因群城迎舍利僧問古佛舍利自有神通爲  
什麼却要幡華迎引師云念佛數珠破來往袈裟穿



藏問教卷首兩字以八成是何章句師云棒打阿師  
頭未曾論實事進云阿那箇是實師云識人者多鑒  
人者少問百骸俱潰散一物鎮長靈是什麼一物鎮  
長靈師云行泥須拄杖跨水不須船問如何是佛法  
大意師云人天會裏大衆不聞問二祖不往西天達  
磨不來唐土意旨如何師云佩劍須歸匣擊不離槍  
問有文不覽時如何師云簷前雨滴戶外草萋大  
問不入大海不見寶珠寶珠出現時如何師云日月  
留不住風雨自當時進云學人未曉乞師方便師云  
今日來明日去問承師有言一句道盡如何是一句

道肅底師云要知千年事但問百歲人進云學人還  
道得也無師云剪裁繁辭試道看進云悶轉三乘教  
關吟五字詩師云者箇是教意自己意作麼生進云  
水到渠成師云大衆面前速禮三拜問方寸大家話  
唯我獨不知時如何師云三思因孟母一孝爲曹娥  
進云大衆儼然請師百指師云迢下六上萬里莫嫌脚  
步多問江山霧起龍虎響吟嘯風生事若何師云五  
彩畫不就十指捏便成進云恁麼則野鶴來栖泊鳳  
舞正當軒師云一句若道得萬句也惺下六上進云恁麼  
卽對師證據師云證據底事又作麼生學云珍重師



云速禮三拜問眾罪如霜露慧日能消除時如何師  
云亭臺深夜雨樓閣靜時鐘進云爲什麼因緣會遇  
時果報還自受師云管筆能書片舌解語問如何是  
室內一燈則云四時無凋變八節鎮長明進云忽遇  
大風起時如何師云若人行夜地終是不惶人問打  
疊從今已了未審前程事若何師云白雲隱人深  
山專淥水淒人渡邊師上堂云諸上座若論佛法  
各各當人分上本來具足並不欠與諸上座增減  
一毫不得自是不覺不知曉夜忙人尋經討論向者  
邊那邊馳求覓箇會解見他諸方老宿開口動舌便

競頭師將去問道問自己問佛問祖向上向下菩提  
涅槃便將爲自己墊在皮袋裏到處便逞驢唇馬嘴  
要待問難道我傳羅後五日死入地獄鐵牛耕你舌  
頭有日在莫言不向你道如今勸你諸人但自迴光  
返照向自己脚根下子細推尋看是箇什麼識取本  
分道理不用尋他舌頭露布可惜平生爲人丈夫志  
氣一刀兩段便須徹頭去豈不是好事即今有什麼  
事近前商量時有僧問未曉真如將何辨已師云墮  
進云慈麼即事理分明師云著問善法堂中師子吼  
毗盧心印事如何師云園中果子堪宜兩架上冬瓜



最怯風問如何是進道門師云信脚行千里搭腳坐  
百年進云恁麼即是和尚照燭世界師云是照燭底  
又作麼生進云風雨時大潤師云念是主事故你三  
十棒問承教云清淨行者不入涅槃破戒比丘不墮  
地獄此理如何師云但能勘自定不在關華窠問賓  
頭盧爲什麼日赴萬家齋師云路隔千條水門對萬  
重山進云爲是請而來師云隨影看頭不見面問法  
佛大意即不問有聲無形事若何師云言談常在口  
起坐鎮隨身進云恁麼即有聲去也師云無聲底事  
又作麼生進云和尚見處師云瓜州所由參長官問

如何是祖師西來意進云天下沒量州陝府出鐵牛  
進云恁麼即二三師云今日事作麼生僧無對師云  
一狀領過師早參上堂云晨雞報曉早參期鐘鼓相  
催衆集時<sub>上</sub>上眉毛須看取莫教喪却目前機又云  
諸上座不妨省力且下便恁麼薦得早落第二頭<sub>重</sub>  
郢列子陵山行齊禪師上堂云若論此事真教縱橫  
無滯<sub>舉</sub>措分明應用現前無勞機棒若能如是少分  
相應未得如是且莫強生節目珍重僧問如何是一  
代時教師云點劃不到進云如何受持師云蕪噓娑  
訶問學人乍入叢林乞師指示師云老僧住來不



曾打師僧進云恁麼即學人罪過師云自領出去問  
如何是學人自己師云困來打睡渴即飲茶進云恁  
麼則謝師指小師云鵝王擇乳素非鴨類取乳是  
郢州林鷄徹禪師開堂日拈香云以此大事奉塵刹  
是則名為報佛恩便陞座云天不以而以有屈祖風令  
大衆息疑四人同一師共唱靈峯曲大衆還開也無  
到諸方不用錯舉有事請問時有僧問師唱誰家曲  
宗風誰嗣阿誰師云十方無異路諸祖共提撕進云  
畢竟是誰家曲調師云風吹客意到海東問先師有  
密旨乞師重舉揚師云突吼靈峰秀千山向裏朝進

云恁麼則不負先師也師云速禮三拜問如何是祖  
師西來意師云此問不惡問靈山一會迦葉親聞此  
日臨筵請師舉唱師云十方皆杜口三藏豈能詮進  
云恁麼則大衆有賴師云其亂道師上堂云未得諸  
途絕路且須諸途路絕若得諸途路絕更須外進若  
小外進鈍鳥棲薦因無止魚作麼生是升進底句還  
有人道得麼若也道得同共證明若道不得長安路  
上鞦韆大地僧問如何是和尚一句師云泊錯祇對閣  
梨進云豈無方便師云方便不火問三乘十二分教  
即不問如何是宗門一句師云七縱八橫進云如何



領會師云泥裏倒泥裏起問如何是最初一句師云  
石火電光已經塵劫進云豈無方便師云者鈍漢問  
如何是法身師云青山渌水進云爭奈學人不會師  
云三十年後師上堂云祖令當行非論三乘漸次投  
機高士頓超諸地之前然即如此猶是屈已迷源何  
堪更入郊野作麼生是紀綱底句還有人道得也無  
若也道得試出來道者若道不得出一叢林入一叢  
林珍重僧問如何是林溪境師云前山後水進云如  
何是境中人師便喝學人禮拜僧云且放你一頓問  
牛頭未見四祖時如何師云也祇是箇漢進云見後

如何師云也祇是箇漢問如何是祖師西來意師云  
著體汗衫師上堂云有一人恁麼去有一人恁麼來  
且道此二人阿那箇爲得人天眼目衲僧作麼生辨  
若辨得去有參學眼若辨不得莫徭人設齋珍重僧  
問和尚年多少師云甲子顛倒數學云的當是多久  
師云星辰失位問從上來事如何舉揚師云已被明  
眼人覷破了也問學人乍入叢林乞師指示師云不  
可撒沙向你眼裏去也進云恁麼即謝師指示師云  
還夢見麼師上堂云擊電之機徒勞佇思且向泥水  
裏會取淮山積嶽盈匱溢路雖是泥水裏說話幾箇



人憐得珍重僧問狹路相逢時如何師云勿使異人  
拳進云未審此理如何師云還及側麼問佛佛授手  
祖祖相傳未審傳箇什麼師云碧眼胡僧笑點頭進  
云未審傳箇什麼師云待你悟始得問寶劍未出匣  
時如何師云進前三步進云出匣後如何師云退後  
三步師上堂大釋迦老子四十九年說法度人無數  
大似捏目宅華刺肉成瘡歷良爲賤其中若有一箇  
漢子釋迦老漢走透無路雖然如是也須實到者箇  
田地方可未到者箇田地不得掠虛落汝眉毛去在  
珍重僧問如何是玄路師云非屐踐問相意教意是

同是別師云二由一有一亦莫守問古人道牛頭橫  
說豎說未知有向上事未審向上還有事也無師云  
有進云如何是向上事師云秋到黃葉落春來草自  
生問大闡提人來師還接否師云不垂手進云爲什  
麼不垂手師云遇明眼人分明舉似師上堂云山河  
大地瓦解冰消衲僧向什麼處安身立命還有人道  
得麼若道得有參學眼告道不得三十年後珍重僧  
問無爲無事人還盡善不盡善師云溪山三十年前  
也恁麼來進云如今又作麼生師云遇方即方遇圓  
即圓問有一人不捨生死下證涅槃師還提携也無



師云不提攜進云爲什麼不提攜師云谿山粗識好惡問天不能蓋地不能載莫便是也無師云誰在外頭問大用現前時如何師云猶較溪山半月程師上堂云賓主不分一句作麼生道賓主各分一句作麼生道還有人道得麼若道不得且向方便門中會取師示一相佛珍重僧問諸法寂滅相不可以言宣學人請益如何垂慈師云悟取好進云爭奈學人不會師云非日月谷問如何是直截一路師云會麼進云不會師云不可抑而已問如何是吹毛劍師云透進云用者如何師云鈍問古人拈槌豎拂還當得宗乘

中事也無師示待你問得話端即全向汝道問寂々無依時如何師云未是衲僧分上事進云如何是衲僧分上事師云要行即行要坐即坐問如何是提婆宗師云異見惶怖進云如何領會師云歸依佛法僧師上堂云名言路絕視聽不及智辨何詮識情難測所以釋迦掩室淨名杜口還窮究得麼若窮究得佛之道同祖人如是若窮究不得長安路上轉人也僧問如何是衲僧出身處師云東弗于逮西瞿耶尼問如何是林溪家風師云麤粥淡飯師有時以相示之圖還辨得麼若也辨得去佛佛道同祖人如是若也辨



不得者悟取好珍重師有時以此相○示云還辨得  
麼若辨不得林溪與你註破去也碧眼胡僧笑點頭  
珍重師上堂云摩竭提國水泄不通火室峰前亦行  
此令溪山路峻樵子難登與教一言何人視聽還窮  
究得麼若窮究得者釋迦替首達磨擎拳告窮究不  
得者不用鑽龜打瓦歌去師上堂以此固相示眾云  
還辨得麼若辨得靈山會上悉皆如此火室峰前更  
無別意若辨不得且向火爐頭會取一不成一不是歇  
去僧問生死到來如何除遣師以此相國對云師上  
堂良久云總似今日彼此著個彼此不著便還辨得

麼若辨得日視雪霄若辨不得一日了一日又立珍重  
桂列壽寧院善義禪師初參芭蕉乃問遊山來學佛  
法來禮拜老僧來師云離此外請師別問蕉云喫茶  
去師因而省悟後參智門寬和尚智門問近離什麼  
處師云大安山門云不涉途程道將一句來師云九  
六八十一門云亂走作麼師珍重而去門打禪床一  
下云今日被者小厮兒來者裏亂做師便下去師開  
堂日拈香云且道此一炷香從什麼處來又云從海  
外持來今日供養大眾僧問鼓聲纔罷人皆聽未審  
如何審領之師云祇恐闍梨不問進云未審此問師



云靜處薩婆訶進云恁麼即慙慙礼三拜師便打問  
師唱誰家曲宗風嗣阿誰師云四海五湖東西南北  
問如何是佛法大意師云樓上打鼓水上打羅問世  
尊心印迦葉親聞未審和尚心印什麼人得聞師云  
念汝遠來且放過問如何是壽寧境師云崖邊松樹  
子進云如何是境中人師云僧人道俗問數日不登  
師丈室今朝說法為何人師云蝦蟆蚯蚓進云和尚  
也不得一向謾人師云待你睡惺問牛頭未見四祖  
時如何師云天下人仰重進云見後如何師云如湯  
沃雪有轉運使問云下官如今剝却額便作得長老

也無師以手摩頭云郎中郎中應諾師云會麼中云  
不會師云千頭什麼事師有頌與轉運張僅

星郎功內反無為

祇此真靈信自誰

塵裏認他非是我

境中明得豈言伊

無心暫對求人說

有相權將指嶮疑

憶昔遠師蓮社客

輸他陶令返摺眉

興元府牛頭山精禪師上堂示眾云若也全提舉唱  
祖佛便須失利更乃盡令而行要一人掃地也無我  
今事不獲已且向建化門中通汝青來路汝等欲得  
親切麼第一莫向意識下卜度莫向古今言句上求



覓會時但自克已推窮無始時來有尔用心處有尔  
造作處直須是十二時中舉措施為親自得力始得  
若到者箇田地燈籠露柱水鳥樹林悉皆助汝發機  
一切處自然滔天地更有何事若不尔者徒學多聞  
久立珍重僧問如何是學人親切處師云親切問將  
來進云即今見問師云驢年問如何是古佛師云  
東海淨漚進云如何領會師云秤錘落井問如何是  
佛法大意師云八兩是半斤問如何是驅耕夫之牛  
師云為人須為徹問如何是奪饑人之食師云殺人  
須見血問如何是和尚為人處師云擎柴普請進云

便恁麼去時如何師云苦痛深問不居瓦靈者是什麼人師云梁朝傅大士進云此理如何師云楚國孟常君問如何是學人自己師云天寒宜近火進云意旨如何師云日出好隈陽問如何是和尚家風師云華從愛惜落草逐棄嫌生進云未審客來將何祇待師云畚田粟米飯山茶一两甌住即隨緣住不住任遨遊

益州覺城院信禪師上堂云若約衲僧門下語難陳  
驛目相承已遭指畫更若踏步進前較七較八諸仁  
者到者裏還友側處休要波个役大地傍門倚門上



他人家床不知自著些子精彩莫待臘月三十日  
手腳亂伏惟珍重僧問如何是出身一路師云三  
門前進云如何領會師云緊繫草鞋問湛然時如何  
師云我怕你進云和尚爲什麼却怕學人師拈拄  
杖云退後退後師上堂云去知佛法二字與鐵幢相  
見得也無雖然如是傍觀者啞便下堂僧問無邊身  
菩薩爲什麼不見如來頂相師云愛陀三嶋靜不覺  
捧來唇師云六祖愛喫和羅飯問如何是真實之言師  
郢州芭蕉第二代開禪師上堂僧問如何是祖師西  
來意師云六祖愛喫和羅飯問如何是真實之言師

云東家杓柄長西家杓柄短進云恁麼還當也無師  
云不當即別更問如何是無縫塔師云我到者裏  
却道不得進云爲什麼道不得師云靜處薩婆訶師  
上堂云西天此土皆行此令諸上座且道見佛令是  
祖令若是佛令山僧且共諸上座子細商量若是祖  
令且作麼生迴避若知有者有出身之路不昧平生  
若不知有迴避不得墮坑落壑珍重僧問向上一路  
十聖不傳未審學人還有分也無師云雪山千丈直  
雲嶺萬重衣進云恁麼則學人依而行之去也師云  
向上事又作麼生進云今日親承於師也師云鈍置



殺人問如何具學人自己師云分明舉似人問三乘  
十二分教即不問如何是和尚爲人一句師云問得  
甚分明准云莫便是和尚爲人句也無師云舉似天  
下人問如何是佛向上人師云路逢不可視進云如  
何得親承去師云廻顧却愁人問臨機道不得時却  
何師云啞子喫苦瓜進云恁麼則學人退步去也師  
云知而故犯明曹源一派還有清濁也無師云青山  
無異色白日有闌人問靈山會上迦葉親聞木杵和  
尚一會什麼人得聞師云風吹即草動雨下路不泥  
問十語九不中時如何師云閉門屋裏坐抱首兜蒼

天問學人未達其源乞師指路師云五里是一墩進  
云莫便是和尚爲學人處也無師云好去不須頻下  
淚青山自有白雲封

鄂州芭蕉山令遵禪師上堂僧問昔日分付與跛脚  
沙弥學人上來請師分付師云非公境界學人撫掌  
一下師云二千里外問直得無下口處時如何師云  
便須下一步進云向什麼處下脚師云東山西嶺上



天聖廣燈錄卷第二十五

野餘不一處數天向古... 聖壽闔郡官僚同資祿位彫造

福州等覺禪院住持傳法廣慧大師達果收印

經板頭錢恭為今上皇帝祝延

聖壽闔郡官僚同資祿位彫造 廣燈

錄一部計三函 時大觀三年正月日 謹題

天聖廣燈錄卷第二十六

南嶽山懷讓禪師第八世

彭州承天院辟確禪師法嗣見錄

益州靈慶禪院海淵禪師

潤州羅漢院繼宗禪師

吉州清源山行思禪師第七世



鼎列大龍山洪濟禪師法嗣見錄一人

澧列欽山如靜禪師

行思禪師第八世

安列白兆山通慧禪院懷楚禪師法嗣見錄一人

江陵府承天禪院寶昭正覺禪師

行思禪師第九世二十六

江陵府承天禪院寶昭覺禪師法嗣見錄一人

果列青居山雲泉皓昇禪師

鄂列林谿山興教居祐禪師

江陵府開福寶賢禪師

袁州崇勝志圭禪師 鄂列黃龍山思渴禪師

澧州夾山省宗禪師 江陵府彰法悟顯禪師

澧州藥山用和禪師 澧列夾山仁秀禪師

豐洲靈泉用溥禪師 鄂州嘉魚法珍禪師

行思禪師第十世

漳洲羅漢禪院仁禪師法嗣見錄一人

唐列龍潭從曉禪師

廬山歸宗寺業禪師法嗣見錄一人

南康軍羅漢院行林禪師

明州天童山新禪師 杭列功臣覺軻禪師



温州西山護國禪院法端禪師

湖列八聖寺清簡禪師

明列客寶山資聖禪師

益州靈慶院海淵禪師有僧問師唱誰家曲宗風嗣  
阿誰師云石人撫掌歌三曲木馬嘶時滿歸路上進云  
恁麼則芭蕉兒孫天彭嬌子師云其亂道問如何是  
新繁境師云重光千佛現顯耀甚分明進云如何是  
境中人師云郎中在此且低聲問如何是佛法大意  
師云五尺杖子兩人昇問如何是祖師西來意師云  
崑崙鎮海心問如何是道師云四面無遮障進云如

何是道中人師云往來不易

潤州羅漢院繼宗禪師六行脚時與數僧參一老宿

問五人新到阿那箇是參頭師云不怕三冬雪惟憂

午夜風宿云平地上喫交作什麼師云言猶在耳宿

云且坐喫茶師云喫茶即得問如何是佛法大意師

云風吹綠竹韻雨滴蘚紋班問相師未來時如何師

云海分千洑浪地拔萬重山進云來後如何師云片

雲生晚谷明月下堂階問如何是道師云好葦開蘚

徑綠柳舞春風進云如何是道中人師云闔窓偷月

色移榻對清流問古人道一塵纜起大地全收如何



是一塵師云窮源須至每登嶮莫過山進云如何是  
大地全收師云雨餘山閣靜雲開月色寒問如何是  
觸目菩提師云須臾倒卓海水騰波  
澧列欽山第二代如靜禪師上堂云夫妙音須假妙  
指若得妙指妙音自震諸上座且作麼生是妙音還  
委悉麼若未委悉欽山與汝按指去也乃拍手一下  
便歸方丈僧問祖師未來時如何師云上是天下是  
地進云來後如何師云下是地上是天問魚未成龍  
時如何師云擎頭戴角進云成龍後如何師云江湖  
踴躍

江陵府承天院寶昭正覺禪師知府張相公齊賢請  
出世師纔陞座云此座高廣吾不能陞雖然如是彼  
大丈夫我亦耳時有僧問師唱誰家曲宗風歸阿誰  
師云雲城西畔雙峰秀諸水池邊瑞氣分有襄州僧  
正問昔日覺城東際法眼分付迦葉未審和尚法嗣  
何人師云到襄州不得錯舉進云怎麼即大眾證明  
師云莫亂道問如何是清淨法身師云鳥飛雲外尋  
知己魚躍潭中吐碧波問如何是佛師云有題卍字  
學云不會乞師再指師云足躡千輪問如何是佛法  
大意師云魚行水濁鳥飛落毛師上堂有僧問一棒



一喝還是佛法也無師云你什麼處得者消息其僧  
便喝師便打問如何是祖師西來意師云圓同大虛  
學云爲什麼不見師云不見什麼  
果州青居山靈泉寺皓昇禪師上堂僧問如何是青  
居山裏佛師云舉目無差學云爲什麼不見師云不  
見什麼問如何是一大事因緣師云厨屋五條椽  
郢州林谿山興教居<sub>下</sub>院祐禪師上堂僧問如何是透  
法身句師云南岳石橋倒學云爲作麼却恁去師云  
非汝境界問如何是禪師云秋後上床眠進云如何  
是祖師云覲面不相覩

江陵府開福院德賢禪師上堂僧問如何是摩尼珠  
師云青黃赤白學云作何顏色師云持有顏色向你  
道學云爲什麼不道師云非汝境界問如何是學人  
自己師豎起一指僧云莫便是也無師云錯  
袁州崇聖院志圭禪師上堂僧問如何是道師云徧  
山徧嶺學云爲什麼不覩師云不覩什麼學云如何  
是道中人師云來千去萬問如何是還鄉曲師云胡  
僧唱不得學云爲什麼唱不得師云爲你太剎利云  
鄂州黃龍山延禧院思渴禪師上堂僧問既是黃龍  
到來爲什麼不見師云眼不開學云見後如何師云



你試道者問如何是道師云五里單牌十里雙墩云  
澧州夾山雲泉院有宗禪師上堂僧問如何是夾山  
正主師云無遮障進云學人到來爲什麼不見師云  
汝見則休問如何是佛師云螺髻豎千峰曲曲云隨  
江陵府彭法院悟顯禪師上堂僧問既是彭法彭箇  
什麼法師云物人俱彰進云學人爲什麼不見師云  
若眼如無問如何是初生日師云歐頭柳脚問如何  
是菩提路師云南山青草秀北嶺萬株松師云  
澧州藥山慈雲院用和禪師上堂僧問如何是藥山  
境師云一任觀者學云如何是境中人問云沙弥童

行問師唱誰家曲宗風嗣阿誰師云天知地聞

澧州夾山靈泉院仁秀禪師有僧問如何是諸佛機

師云天台南嶽問如何是衲衣下車師云鳥飛千里

毛毳浴魚躍潭中水白渾

澧州靈泉院用溥禪師上堂僧問師唱誰家曲宗風

嗣阿誰師云不許夜行明投須到問如何是靈泉境

師云千江流不住萬派競喧爭進云如何是境中人

師云走殺衲僧

鄂州嘉魚法華院法珍禪師上堂僧問如何是衣中  
寶師云一任賞翫問如何是祖師西來意師云風吹



天聖廣燈錄卷二十九  
六  
蚬竹連霄響月照湖湘萬里途問不落有無請師答  
話師云得學云未審得箇什麼師云明月照臨無影  
樹曲自長短不相同

唐列龍潭從曉禪師初開堂僧問師唱誰家曲宗風  
嗣阿誰師云四面無壁落一片坦然平問如何是龍  
潭境師云山從西北來水向東南下進云如何是境  
中人師云老僧二十五上離雪峯問肇有四不遷義  
如何是不遷師云秋來黃葉落春到百花新師上堂  
舉仰山到東寺東寺問什麼處來仰云廣南來寺云  
承聞廣南有鎮海明珠是否仰云是寺云作何形狀

仰云白月即隱異月即現寺云還將得來麼仰云將  
得來寺云云何不呈似老僧仰云昨到瀉山亦被索  
此珠直得無言可對無理可伸寺云老僧年邁不見  
瀉山你是瀉山之子螭螟虫在蚊子眼睫裏作窠向  
十字街頭叫屈土曠人稀相逢者少師拍云衆中喚  
作呈珠話且作麼生是呈珠處山僧今日與大衆註  
破等閑莫向江邊立切忌寒灰炙殺人師問新到近  
離什麼處僧云東京師云東京有一人無姓無名子  
還識否僧云不識師云怎麼即下從東京來僧云喏  
大便下去師却令侍者請來師云適來唱喏是肯老



僧不肯老僧人無對師云泊合放過便打  
廬山承天羅漢院行林禪師陞座云聖主令傳祖佛  
音禪宗大壯理沉々玄徒契悟真消息羅漢旌幢出  
帝心時有僧問朝賢親降大衆雲臻祖意西來請師  
垂示師云分明記取進云忘慮即昔日僊居傳祖印  
今日羅漢贊明君也師云謝汝證明問皇恩親降宜  
住承天未審師將何物利群生師云汝也須知恩進  
云非但學人群生有賴師云不消得問如何是羅漢  
家風師云到者方知師上堂僧問如何是第二月師  
云汝更廻光看問會萬物爲已者其唯聖人乎未審

意旨如何師云汝喚什麼作萬物師又云聖人道箇  
天地同根萬物一體也不易信祇如五老峰嵯峨作  
麼生得成一去石頭又云聖人無已難明之法還知  
麼納僧安身立命在此若未能曉悟得實爲見諦不  
圓身心何道攀緣妄想塵勞轉深六賊功強千差競  
起莫作等閑和尚子且識取來因明取始末方得所  
以道衲僧眼把定乾坤綿々不漏絲髮直須忘麼方  
有少分相應無事珍重僧問昔日維摩與文殊對談  
未審阿誰先說法師云大衆一時記取進云不會乞  
師方便師云却成賺大衆進云昔日毗耶方丈內今



朝羅漢法王前師云停囚長智上堂僧問天魯甘露地涌七珍未審是什麼人分上事師云謝汝相報進云怎麼即佛子住此地即是佛受用師云更須子細問求真人不顯究道今全虛學人擬休去師還許也無師云爭敢處分問君王道合三邊靜法王道合又如何師云也要汝證明問大通智勝佛十劫坐道場佛法不現前不得成佛道如何得現前師云成佛也未進云便承當去如何師云成得什麼佛問承古有言三際求心人不有心不有處妄元無未審是有是無師云你將謂定當不得問佛法二字如何併除得

去師云何者是佛法上堂僧問道內道外同觀廣大不見纖毫尋常面對如何是面對師云見什麼問古佛堂前是什麼人先到師云退些子問粉骨碎身未足酬一句了然超百億如何是一句師云者迴不要粉骨碎身問是箇什麼得與麼難會師云汝幾度用心來問大音希聲大象無形如何是無形成象師云山河大地師又云無形成象非同頑空還會麼道箇山河大地已是周遮何也大音大象古今勝槩視聽全空見聞皆喪林泉清虛猿鳥奇狀妙用真常似同天降諸高德還願樂麼實謂平等一相法離見聞此



若得去方悟他道音聲吼喚究之則乃無言色象紛  
紜窮之則乃非相大家信去自然隨處安樂不勞又  
立环重師上堂因貓兒跳上身師乃提起示眾云昔  
日南泉親斬却歸宗重顯示去徒如今賣與諸禪客  
文契分明要也無師遂拋下貓兒便歸方丈

明州天童山新禪師上堂曾問昔日梵王請佛天雨  
四花地搖六種今日府主親臨有何祥瑞師云大眾  
可驗進云與麼則天童巖畔不異靈山師云閑言語  
問承教有言諸佛出世蓋爲一大事因緣和尚今日  
開堂當爲何事師云知恩者少進云恁麼則大眾側

聆學人有賴師云莫乱道問如何是天童境師云雲  
無人種生何極水有誰教去不休問舊石新開時如  
何師云也祇是舊時底進云買者如何師云你莫自  
謾問何物最大於天師云無過於此問如何是密作  
用師云何曾密問如何是爍迦羅心師云更有什麼  
問如何是向上關挨子師云躍不著者多進云未審  
如何學人如何躍得著去師云賺殺人問承古者言儂  
家自有同風事千里無來却肯伊如何是同風事師  
云誰不肯問心徑未通時如何師云什麼物礙問承  
教有言般若如大火聚此理如何師云絲毫著不得



問如何見虛空師云無你著手脚處問如何是師子  
吼師云莫聒人問大衆雲集弟子趨筵從上宗乘請  
師舉唱師云何不早問師乃云請上座我如適來向  
伊道何不早問爲復責伊問遲爲復別有道理已得  
底遞相證明後學兄弟又作麼生會奉勸諸人快須  
研究時不待人法眼和尚道却來个隔陰也是二十  
年方知好惡如今看見閑處著力於已躬分上略下  
管帶何不看他古人道你等諸人十二時中在什麼處  
安身立命不恁麼體究上座除此外別無汝作計校  
處便道唯有佛菩提是真歸向處如今且問上座佛

菩提又作麼生歸向珍重上堂僧問可來白雲裏教  
你紫芝詞如何是紫芝歌師撫掌對之問如何是和  
尚家風師云山中無別物問萬里無雲時如何師云  
者一點什麼處起問聾人聽法時如何師云無可分  
別問將此身心奉塵刹是即名爲報佛恩如何是奉  
塵刹底心師云方報佛恩問如何是王子寶刀師云  
不易見問鐘聲裏薦取鼓鳴即顛倒未審古人意旨  
如何師云是你顛倒問師持祖印歸江浙獨鎮鄞江  
太白峰今日幸登<sup>無</sup>此畏座請師方便顯圓通師云史  
教我說箇什麼即得師云我如今向汝諸人面前直



是無開口處何以如此諸人各有本分事在總不消  
得看他上祖出頭來於二七日中思惟却是事便道  
我寧不說法疾入於涅槃據他恁麼道早是無限方  
便門開何不恁麼體究如今人祇要言語多人得不  
濟事但增憶想不入真智後來睦列和尚纔見僧入  
門來見成公按放汝三十棒雲門大師道當恁麼時  
盡大地人總須著枷帶鎖始得諸上座古人恁麼道  
意作麼生多少顯露如今更踏步向前口喃大地驢  
年得相應去久立珍重上堂僧問全照咨和尚真心  
寥廓時如何師云徐名全照問如何是一大事因緣

師云不是小事問來之不得時如何師云用求作什  
麼進云如何即得師云幾時失來問萬法不生時如  
何師云萬法從何有問如何是一法師云山河大地  
問如何是玄沙樹子師云田地屬誰問承古有言不  
與萬法爲侶者未審是什麼人師云誰恁麼道問如  
何是古佛心師云終不向汝道墻壁瓦礫是師上堂  
示衆云本自圓成不勞機杼珍重上堂僧問世尊三  
昧安詳而起未審祖師三昧從何而起師云謝你報  
我問勤求勝積功理契古人同未審古人意旨如何  
師云澗松西北風問承教有言起諸方便成十力祇



如方便如何超得師云識取方便問言不干古時如何師云爭解說得問佛四十九年說箇什麼師云說夢問十二時中如何行李師云不見有十二時公時枕列功臣覺軻心印禪師初開堂曾問諸官侍座海衆臨筵學人上來乞師指示師云別處真舉問如何是功臣境師云祇恐盡盡不就問如何是佛師云誰不瞻仰問如何是學人自己師云者烟休問人問靈々不昧了々常知學人爲什麼不悟師云笑殺大衆問承教有言百千諸佛盡是文殊勸發未審文殊是何人勸發師云還識文殊也未進云未曉者如何領解

師云適來向你道什麼問達磨未傳心下迎迎釋迦未解髻中珠此時若問西來意還有西來意也無師云甚處得者消息問如何是功臣家風師云爭敢望諸方讚歎問如何是密室中意師云莫錯洩機問如何是心地法門師云多少人構不及問舊歲已過新歲將臨如何是不遷義師云新歲事作麼生問如何是本源佛性師云火子細在問如何是明月寶珠師云造次人爭得見問如何是古佛心師云群生歎莫及問祖師不在東西山未審在什麼處師云且計問如何是隨處三昧師云者裏用不着問自從認得曹谿



了知生死不相干如何是曹谿路師云也踏未著問  
開口道不得時如何師云笑殺人問不將一物來時  
如如何師云爭敢望見示問昔時二相伸三拜依位  
端然意若何師云想汝紹繼未得問四衢道中露地  
而坐時如何師云傍觀者醜問一佛出世時如何師  
云震天動地問如何是寶華境師云一任行人子細  
觀問已事未明乞師挑剔師云誰信你問摩騰入漢  
藏教分明達磨西來有何宗旨師云善為流通問如  
何是寶華為人一句師云我恐諸方未相許問如何  
是無底籃子盛將來師云且提去問不可以智知不

以識時識時如何師云欠會在問如何是涅槃師云火  
人入得問適來許多喧鬧向什麼處去也師云好笑  
問久負勿強琴請師彈一曲師云誰不羨清音問山  
河無隔礙光明處人透如何是透人透底光師云阿  
誰不見問如何是天真佛師云爭敢裝點問貪子還  
鄉時如何師云未免伶俜問焦桐遇郢匠時如何師  
云洎錯雕琢問如何是一塵師云莫錯認進云恁麼  
即謝師指示也師云有什麼交涉師又云諸上座問  
答且置我如古人道一塵纔起大地全收一葉飛空  
普天秋色實乃洞明今古該括河沙情與非情咸然



空寂又慮仁者信之不及喻如鏡像水月雖然習磨說錯解甚多且借問諸上座鏡中有多少像水中有多少月若道無像去宛然光彩若道有像去迷頭逐影有無且置諸上座遂識得月鏡也未若識得月鏡去一任短長隨應曲直分輝若未識得鏡未明得月可謂萬象縱橫觸途成礙於時夕中作麼生得安樂去如今要省力會麼各請迴光返照休更踟躕珍重温州西山護國院法端禪師開堂日僧問群寮臨筵緇徒而座學人有問請師答師云更有什麼問進云急麼則大眾盡得聞也師云你聞底事作麼生問如

何是西岑境師云一任圖畫問如何是佛師云祇今是什麼問如何是勞人自己師云恰問著問如何是丈六金身師云天上天下唯我獨尊問善才入樓閣意旨如何師云見箇什麼學云見和尚師云有什麼交涉

湖列入聖寺清簡禪師開堂日僧問如何是祖師西來意師云不欲向汝說進云便請師說師云達磨不可再來問如何是入聖境師云眼在什麼處問乾闥婆王獻樂迦葉為什麼起舞師云今朝一曲更分明問如何是向上一路師云蕩天大家行問承教有言



經行及坐卧常在於其中未審此理如何師云那箇  
是其中事師云千聖所言終不誑汝便道經行及坐  
卧常在於其中多少顯露何用註解我爲不<sub>了</sub>便言  
此是非常之事承之者須是非常之人方得設若夙  
無大乘種性信力輕微自云非我傭力得物之處又  
不可顛預念將去都無利益大衆既然事在其中指  
何爲外莫道理是中事是外悟是中迷是外切希子  
細珍重師後住明州天童山因思雪竇退居草堂至  
祥符七年七月十三日午時說偈云火風成身火風  
動神火風何朕四大等均師言說端坐而化焚燒收

舍利靈骨建塔于本山俗壽五十八僧臘四十  
明列雪竇山資聖寺清禪師初陞座時有僧問昔日  
龍宮曾請佛今朝府主遠迎師軒蓋臨筵有何奇特  
師云大衆可驗學云此意幽微難可測乞師方便再  
垂言師云更要答話在學云恁麼則此日已承師的  
肯他時應得爲流傳師云且其乱傳問朝蓋親臨於  
法會師將何物答深恩師云終不徒然學云莫是高  
外寶王座善能師子吼便是麼師云有什麼交涉學  
云若不傳教救迷情畢竟無能報恩者問師云你也  
未是知恩者問昔日靈山付法迦葉親傳今日龍象



咸臻如何分付師云汝還承當得麼學云已辨師機  
者直下承當未曉之流如何同於上智師云阿誰未  
曉學云恁麼則若有聞法者無一不成佛也師云聞  
底事作麼生問師離越嶠已赴鄞川如何是不動尊  
師云十八離照水學云恁麼則處々菩提道宛然也  
師云是動是靜問向上一路師云你踏不著學云未達  
獲捉影如何是向上一路師云你踏不著學云未達  
師機如何履踐師云元來未在問俱眠豎指此意如  
何師云祇要人解問却別承天文室已赴雪竈道場  
斯日朝貴臨筵便請說法師云好記取問如何是雪

竇境師云石罅暗藏千載雪懸崖常瀉萬年冰進云  
恁麼則非但學人大衆同得觀瞻去也師云是什麼  
境致問學人久作迷方客請師指出舊家珍師云你  
幾時失却進云恁麼則見月休觀指師云你許多時  
在什麼處問師携寶劍於此日願垂方便定雌雄師  
云惜取頭好進云恁麼則廓落乾坤裏群邪絕衆流  
也師云猶未惜性命在問爐香煙島々海衆列駢々  
特問西來意憑師爲指宣師云莫向東邊覓進云恁  
麼則善法堂中獅子吼大千沙界一時聞也師云聞  
箇什麼上堂僧問白馬和尚尋常稱快活有病言苦



意旨如何師云因誰置得師乃云白馬和尚尋常叫  
快活快活一日得病叫苦个院主云和尚尋常快活  
如今爲什麼却叫苦白馬云且道當時是如今是後  
來法眼禪師代云當時但掩耳出去意作麼生爲當  
是肯他若不肯他過在什麼處若肯他爲什麼掩耳  
出去且道即今是苦是樂試定當看珍重上堂僧問  
承教有言止个不須說我法妙難思如何是難思之  
法師云你爲什麼却說進云怎麼則終日說未嘗說  
終日聞未嘗聞師云你也我是念得作麼生曾無說  
無聞底道理將聞持佛佛何不自聞个所以道夫說

法者無示無聽無說無聞是真說法作麼生會真若  
不會真却成假便入邪道何處得真更須端的不可  
容易珍重



天竺真經卷第二十六

等緣空也

不曾真快如野人帶首飾  
其更疎離泊本何  
劫昔無示其難無端其具  
端夫非源生會

